



Privredno društvo za proizvodnju i promet hemikalija,  
pripalnih i inicirajućih sredstava

**UNIS "GINEX" d.d. Goražde**

Bosna i Hercegovina



Registrovano kod:

Kantonalni sud BPK Goražde,  
reg.br.1-165

Adresa: UNIS "GINEX" d.d. Goražde

Identifikacioni broj:

4245006750009

Višegradska bb

Porezni broj:

13001205

73000 Goražde

Bosna i Hercegovina

**PARLAMENT FEDERACIJE  
PREDSTAVNIČKI/ ZASTUPNIČKI DOM  
PREDSJEDAJUĆI PREDSTAVNIČKOG DOMA  
ul. Hamdije Kreševljakovića 3,  
710000 Sarajevo**

Transakcijski računi:

PBS Sarajevo – Filijala Goražde

1011400000048759

Na pažnju: Predsjedavajući, g. Dragan Mioković  
tel: 033/263-585

e-mail: kabinet.predsjedavajuce@parlamentfbih.gov.ba

Raiffeisen Bank d.d. BiH – Filijala  
Goražde

1610300004020064

Naš broj: 32216-1/24

Datum: 17.12.2024.

Listova: 2

**PREDMET:** Informacija o zabrani dolaska na posao s bradom, Zastupničko pitanje Ajle Milišić Pepić,  
odgovor dostavlja se-  
-Veza Vaš akt broj: 05/1-02-657/24 od 13.12.2024. godine

Poštovani,

U vezi sa zastupničkim pitanjem zastupnice Ajle Milišić Pepić, dostavljamo odgovor kako slijedi:

UNIS „GINEX“ d.d. Goražde je privredno društvo registrovano za proizvodnju i promet hemijskih,  
pripalnih i inicirajućih sredstava, čija je osnovna djelatnost proizvodnja eksploziva, šifra 20.51.

Pod tim se podrazumijeva proizvodnja i ugradnja inicijalnih eksploziva koji su izuzetno osjetljivi na sve  
vanjske podražaje, naročito na udar, trenje i statički elektricitet. Oblast zaštite radnika sa stanovišta  
zaštite na radu je regulisana Zakonom o zaštiti na radu (Sl.novine FBiH 79/20) i Pravilnikom o zaštiti na  
radu pri izradi eksploziva i baruta i manipulisanju eksplozivima i barutima (Sl. SFRJ br. 55/69). Interni akt  
o zaštiti na radu koji se primjenjuje u Društvu je izrađen u skladu sa naprijed navedenim zakonskim i  
podzakonskim aktima.

U Društvu su propisane i primjenjuju se mjere zaštite pri radu sa opasnim materijama.

Ipak, u proteklom periodu, i pored svim mjera koje se provode, imali smo nekoliko eksplozija u kojima su  
teško povrijeđeni naši radnici.

Slijedom nekoliko održanih sastanaka svih rukovodilaca Društva i predstavnika radnika i povjerenika  
zaštite na radu, odlučeno je da se donese niz mjera kako bi se direktno ili indirektno zaštita na radu  
podigla na što veći nivo, kako bi rizik nastanka eksplozije sveli na najmanju moguću mjeru.

Direktor: +387 38 221 251; Marketing i komercijalni poslovi: +387 38 228 870/228 867;  
fax: +387 38 221 402; http://www.ginex.com.ba; e-mail: ginexinfo@bih.net.ba

Bosna i Hercegovina  
FEDERACIJE  
SARAJEVO

Primljeno: 19-12-2024

Org. jed.	Broj	Priloga	Vrijednost
05/1	- 02 -	657	24



Kao vid zaštite od statičkog elektriciteta donešena je odluka da radnicima nije dozvoljen dolazak sa bradom. Napominjemo, i u prethodnom periodu su Uprave društva donosile ovakvu odluku. Tako je Direktor Društva dana 25.04.2016.godine donijela Naredbu br. 7748/16, kojom je član II glasio: „Radnici muškarci su dužni dolaziti na posao propisno obrijani. (Zabranjuje se dolazak na posao sa bradom)“.

Tako je i Uprava Društva ove godine dala Obavijest br. 10237/24 dana 15.04.2024.godine kojom se radnicima daje preporuka za način oblačenja i vanjski izgled.

Kako smo već spomenuli, nakon niza eksplozija u kojima je došlo do povrede radnika Društva, ponovljena je Odluka iz 2016.godine (ublažena za činjenicu da se radnicima ne nalaže propisna obrijanost, već samo da ne nose bradu) . Ovo je odlučeno iz slijedećih razloga:

1. Statički elektricitet nastaje na kosi i bradi. Dlačice dolaze u kontakt sa odjećom, pri čemu trljanjem istih dolazi do pojave statičkog elektriciteta.
2. Pojava statičkog elektriciteta je povećana u zimskom periodu, jer je suhi zrak pogodniji za stvaranje statičkog elektriciteta (veća vlaga=manje statičkog elektriciteta). U uslovima vlažnosti mikroklike od 70% i više smanjena je pojava statičkog elektriciteta, ali taj procenat vlage se ne može održavati jer utiče na zdravlje radnika. Nedostatak vlage na koži i dlaci uzrokuje manju provodljivost elektrona, što omogućava nakupljanje statičkog naboja.
3. Na opasnim mjestima gdje se propisuje nošenje zaštitne opreme poput respiratora i maski, brada predstavlja problem jer ometa pravilno prijanjanje zaštitne opreme na lice, čime se ugrožava radna sigurnost.

Moramo da Vas upoznamo sa činjenicom, naše Društvo upošljava 849 radnika, od kojih je više od 700 radnika raspoređeno na rad sa eksplozivnim i opasnim materijama (inicijalni eksplozivi, kiseline, baze, zapaljivi rastvori, lakovi čija isparenja su zapaljiva i eksplozivna i sl.). Isti ti radnici su izloženi dodatnom stresu zbog stalne opasnosti od eksplozija i mogućih povreda. Selektiranje radnika, donošenjem parcijalnih odluka o mjerama zaštite na radu, između ostalog da je jednim dozvoljeno, a drugim nije dozvoljeno nošenje brade, u našem slučaju nije primjenjivo.

Ova Odluka, kao i druge mjere koje se donose, su donešene u konsultaciji sa radnicima, Sindikalnom organizacijom i svim rukovodiocima.

Još da spomenemo, mi kao Društvo smo čak u ovoj godini dozvolili i podržavamo mnoge postupke prakticanja vjerskih propisa, u odnosu na prethodni period. Tako da, napominjemo, ova Odluka je donešena isključivo radi zaštite i sigurnosti radnika.

S puno poštovanja,

**DOSTAVLJENO:**

1x Naslovu  
1x a/a



Biserana Turković, dipl.ing.el.